

R
L21
H819
40311

中國方志叢書·華北地方·第四〇三號

據

清·王家坊、葛士達總纂
清光緒七年刊本


影印

山西

榆社縣志

成文出版社有限公司印行

sk88/11



R
K29
H89
103021

中國方志叢書·華北地方·第四〇三號


據

清·王家坊、葛士達總纂
清光緒七年刊本

影印

山西省

榆社縣志



成文出版社有限公司印行

5/882/11



10094277

中華民國六十五年

月臺一版

榆社縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

辛巳仲夏
清江先生
書於
固

榆社縣志叙

縣積而郡郡積而天下郡縣治天下無不治郡
縣之治由守令之盡職守令之職則在盡心民
事而欲盡心民事非周知民之俗尙好惡及地
方之利便形勢不可三代以上樹之君以立百
官師長無日不佐民以圖生養教訓周官大司
徒之職以天下土地之圖周知九州之地域廣
輪之數辨其山林川澤邱陵墳衍原隰之名物

土性之所宜以相民宅以教稼穡樹藝蕃毓草木鳥獸以至蔬果羽毛之微昏娶塚墓之事皆有成法生養有資復申之以孝弟之義書其德行道藝以時獻之興之以率不教而太師復以時採問風俗因其好惡以詔得失職方志天下之形勢土訓誦訓掌道地圖方志以詔地求地俗舉凡民之苦樂淑慝息息懸於心目之間天下如在一室上下相勉爲治故能長治久安民

無失所後世幅圓漸廣古職淪廢別置行省析
分郡縣上下隔閼不通而爲守令者非由鄉舉
里選或遠在千萬里以外捧檄蒞治而又遷調
無常官如傳舍其何能深悉土俗之所宜而因
以調劑之以爲政耶此縣志郡志省志統志之
所由設而縣志尤爲郡省志統志之所由本志
者記也記其土地戶口山川險易風俗政治人
物以備爲治者之有所考鏡因勢利導教之勸

之懲之以幾於治其所志可不慎歟榆社僻在
萬山之中文獻寥落記載之闕如蓋已久矣自
康熙十三年

詔天下各知縣輯志邑令佟公承令編纂榆社始有志
閱七十餘年邑令費公修之又閱百有餘年丁
丑戊寅三晉罹亢旱奇荒人民死亡大半
巡撫威毅伯湘鄉曾公既請粟捐金以賑而存
活之而念晉之士瘠民貧樂歲家無蓋藏一遇

凶荒坐而待斃其故蓋由於親民之吏不盡職
而所以佐民以圖生養教訓者未盡備地有未
盡之利民有未盡之力不籌備於平時以至坐
困於倉卒於是飭令各郡縣修輯志書以冀官
斯土者之省觀而圖治其意識深且遠也前署
縣事王公家坊輟而未竟適 茲奉

命承

之是邦邑紳士錄藁請更商訂復取而刪其繁
蕪去其複冗訂其謬謬補其缺轍並其體例之

不合者次序之倒置者逐一釐正之非敢苟爲
異同亦惟其是以資後之考證而已嗟夫士生
而讀書窮理既不獲躋厯廟廊建樹勲業澤及
天下一官一邑盡心力而爲之亦奚不可有所
裨益澤及一方榆雖蕞爾邑承平休養戶口幾
億萬大畧而後存者不逮半其何以孳息之以
漸冀其庶耶榆之地土戴於石磽确而瘠植物
不茂惟城之南北四十餘里較爲平坦土亦肥

潤而爲漳水衝擊每當夏潦盛漲洪濤怒吼田
廬菽麥轉瞬漂沒一年數徙種而無獲逋糧逃
亡爲榆之害者數百年於茲矣其何以導之疏
之除其害收其利而拯吾榆民於饑溺耶榆邇
直隸邢臺諸邑黃花石會皆古扼要地層巒疊
嶂草竊藏奸天下且多事其何以因險設守以
保衛榆民而爲晉疆捍禦耶書院義學有名無
實其何以培植士林振興文教邑民瘠苦重利

輕義錙銖之微睚眦鬪忿其何以既富且教易俗移風凡此皆地方有司之責也居今而論治雖不能上幾三代而官是邦者其亦視所志而舉榆民之所病且苦而所以佐之以生養教訓諸端息息懸於心目之間以無負吾

巡撫威毅伯曾公檄飭修志之盛心而無瞞厥職焉斯可矣志成書是以爲序時

光緒七年辛巳孟陬人日

誥授奉政大夫賞戴花翎在任候補直隸州知州掄
社縣知縣上海葛士達謹撰

梅元鼎志

序

三

重修榆社縣志叙

國有史邑有志志也者紀一邑之風土人物制度文章下以資考鏡上以備蒐羅誠鉅典也顧人率視爲緩圖甚有自建邑以來無志者則以志近乎史而史才實難夫知其難而緩之與不知其難而亟爲之均之無關於典要然爲之則猶存什一於千百緩之則舊典銷沈官民無所取法泯泯莽莽以意爲治土宜民俗扞格不通

可弊將滋甚此

爵憲曾大中丞所以有修輯邑志之令也且夫
服官守職可以有事治不可以無事理無事而
好事者妄也有事而廢事者怠也圖其所有事
而亟其所緩者惑也倖其暫無事而畏難苟安
者拙也紀載紛綸灼然可覩晉省當丁丑戊寅
間亦云多事矣始以旱繼以雹又繼以霜雪河
洛伏莽窺伺於外代朝飢民潛伏於邊幸